

Հավելված
 ՀՀ փոխվարչապետի 2020 թ.
 մայիսի 23-ի N 251 - Ա
 որոշման

Ծ Ր Ա Գ Ի Ր
 «ՄԱՍՆԱԳԻՏԱԿԱՆ ՌԻՍՈՒՑՈՒՄՆԵՐ ՇԻՐԱԿԻ ՄԱՐԶԻ ԳՈՐԾԱԶՈՒՐԿՆԵՐԻ ՀԱՄԱՐ»

1.	Ծրագրի նպատակը	<p>«Խաչմերուկ» կրթական խորհրդատվական կենտրոն հիմնադրամի ծրագիրը նպատակ ունի նպաստել Շիրակի մարզի և Գյումրի քաղաքի առավել խոցելի ընտանիքների գործազուրկ կանանց և տղամարդկանց հնարավորությունների և ներուժի զարգացմանը՝ մասնագիտական և արհեստագործական դասընթացների անցկացման և զբաղվածության ապահովման միջոցով:</p> <p>Հիմնադրամի սոցիալական և կրթական ծրագիրը համայնքի զարգացման և հզորացման հիմնական միջոցն է, որի իրականացման հիմնասկզբունք է ընդունված այն դրույթը, թե այն կարող է նպաստել ոչ միայն գիտելիքների կամ մասնագիտական կարողությունների ավելացմանը, այլև անհատի սոցիալական կերպարի փոփոխությանը, զբաղվածության ապահովմանը և ուստի գործազրկության նվազմանը Շիրակի մարզում:</p>
2.	Ծրագրի բարեգործական որակման նպատակը	Օգտվել Հայաստանի Հանրապետության հարկերի, տուրքերի, պարտադիր վճարների գծով օրենքով սահմանված արտոնություններից
3.	Բարեգործը	Իտալիայի Rete Radié Resch միջազգային համերաշխության ասոցիացիա (Էլ. Հասցե՝ rresch.noto@yahoo.it , կայք՝ http://www.reterr.it)
4.	Ծրագիրը կատարողը	«Խաչմերուկ» կրթական խորհրդատվական կենտրոն հիմնադրամ Հասցե՝ Հայաստանի Հանրապետություն, ք. Գյումրի, 3104, Ռիժկովի 6 ՀՎՀՀ՝ 05547619

5.	Ծրագրի իրականացման վայրը և բնագավառը	Իրականացման վայրը՝ Շիրակի մարզ, բնագավառը՝ սոցիալական
6.	Ծրագրի բյուջեն	Ծրագրի բյուջեն՝ 5,879,950 դրամ
7.	Բարեգործություն ստացողը	<p>Շիրակի մարզի և Գյումրի քաղաքի առավել խոցելի ընտանիքների 45 գործազուրկ կին և տղամարդ: Մասնակիցների ընտրությունը կատարվելու է Գյումրու տարածքային զբաղվածության կենտրոնի և այլ համագործակից կառույցների կողմից շահառուների ուղղորդման ու հայտարարությունների միջոցով «Խաչմերուկ» կրթական խորհրդատվական կենտրոն հիմնադրամ այցելուների ընդունման և արդյունքում հիմնադրամի սոցիալական աշխատողների հետազոտական և ընթացիկ տունայցերի կատարման միջոցով: Մասնակիցների ընտրությունը կատարվելու է նաև՝ հաշվի առնելով իրենց հետաքրքրվածությունը, համապատասխան մասնագիտական ոլորտում հետազայում աշխատելու ցանկությունը և առկա նախնական գիտելիքները:</p> <p>Բարեգործություն ստացող են հանդիսանում նաև նախակրթարանի և ցերեկային խնամքի կենտրոնների 3-6 տարեկան և 10-15 տարեկան 75 սան, ովքեր օրական 1-2 անգամ սնվում են «Խաչմերուկ» կրթական խորհրդատվական կենտրոն հիմնադրամում:</p>
8.	Ծրագրի իրականացման տևողությունը	2020 թվականի մարտի 23-ից մինչև դեկտեմբերի 31-ը
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<p>Սարքավորումների ձեռքբերում, Երևանից Գյումրի տեղափոխում և մոնտաժում՝ 2,475,950 դրամ (ապրիլ-հունիս)</p> <p>Մասնագիտական ուսուցումների անցկացում՝ 3,404,000 դրամ (հունիս-սեպտեմբեր), որից 644,000 դրամ դասընթացավարների աշխատավարձ:</p>

10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	<p>Խոհարարական սարքավորման ձեռքբերում, Երևանից Գյումրի տեղափոխում և մոնտաժում՝ 2,475,950 դրամ (ապրիլ-հունիս)</p> <p>«Խոհարարություն», «Թխվածքների պատրաստում և ձևավորում», մասնագիտական ուսուցումների անցկացում՝ 2,723,200 դրամ (հունիս-նոյեմբեր)</p> <p>Դասընթացավարների աշխատավարձ՝ 644,000 դրամ</p> <p>Հումքի ձեռքբերում՝ 1,320,000 դրամ</p> <p>Կոմունալ ծախսեր՝ 450,000 դրամ</p> <p>Տրանսպորտային ծախսեր՝ 219,200 դրամ</p> <p>Ուսուցումների մասնակիցների սուրճի ընդմիջման կազմակերպում՝ 90,000 դրամ</p> <p>Գործարքի շրջանակներում ակնկալվում է ավելացված արժեքի հարկի, տուրքերի և այլ պարտադիր վճարների վճարումից ազատում:</p>
11.	Ծրագրի իրականացման հետ կապված կազմակերպական ծախսերը	<p>Ադմինիստրատիվ ծախսեր՝ 680,800 դրամ</p> <p>Ծրագրի ղեկավարի աշխատավարձ՝ 342,000 դրամ</p> <p>Հաշվապահի աշխատավարձ՝ 270,000 դրամ</p> <p>Նյութատեխնիկական ապահովում՝ 68,800 դրամ</p>
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	<p>Նախատեսվում է համագործակցել՝</p> <p>Գյումրու քաղաքապետարանի և Շիրակի մարզպետարանի հետ և շահառուներին աջակցության դեպքում ուղղորդել այնտեղ:</p> <p>Գյումրու տարածքային զբաղվածության կենտրոնի հետ, ընդունել սոցիալապես խոցելի ընտանիքներին որպես ծրագրի շահառուներ և վերապատրաստված մասնագետներին ուղղորդել այնտեղ, միջնորդել թափուր աշխատատեղերի առկայության դեպքում:</p> <p>Գերմանիայի ժողովրդական բարձրագույն դպրոցների միության միջազգային համագործակցության ինստիտուտի հայաստանյան մասնաճյուղի հետ և համատեղ կազմակերպել մասնագիտական ուսուցումներ</p> <p>Հրուշակեղենի գործարանների, սրճարանների, ռեստորանների, գեղեցկության սրահների հետ՝ վերապատրաստված մասնակիցներին աշխատանքի տեղավորման հարցում աջակցելու համար:</p>

13.	Ծրագրի արդյունավետության նկատմամբ վերահսկողության մեխանիզմների նկարագրությունը	<p>Ծրագրի արդյունավետության նկատմամբ վերահսկողությունն իրականացվում է՝ «Խաչմերուկ» կրթական խորհրդատվական կենտրոն հիմնադրամի տնօրենը, ծրագրային գործունեության պատասխանատուն, սոցիալական աշխատողները, հոգեբանը և դասընթացավարները՝ զրույցների, գիտելիքների ստուգման թեստերի, դասընթացների որակի վերաբերյալ գնահատման թերթիկների միջոցով,</p> <p>Իտալիայի Rete Radié Resch միջազգային համերաշխության ասոցիացիա՝ այցերի և հաշվետվությունների, ինչպես նաև լուսանկարների տեսքով,</p> <p>Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված՝ բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:</p>
-----	---	--

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԱՎԻՆՅԱՆ